



UNIVERSITÄTS-
BIBLIOTHEK
PADERBORN

**Scientia Salvit̃s, Sive Considerationes Piæ, Præcipuam
Spiritualis Vitæ Materiam complectens**

Laberhittel, Samuel

Ingolstadii, 1660

253. Feria 2. de documentis ad consequendum dilectionem Dei.

[urn:nbn:de:hbz:466:1-59837](https://nbn-resolving.org/urn:nbn:de:hbz:466:1-59837)

452 *Dominica 12. post Pentecost.*

medium adferre non possunt, abscondere.
8. Omnes proximos juvare, verbo, opere,
exemplo. 9. Inimicos diligere, benefacere
his, qui oderunt nos, & paratos esse pro eo-
rum salute vitam fundere.

Conf. 3. Samaritanum infundentem vinū,
& oleum, ad vulnera illius descendentis in
Hiericho, sed melior est panacæa confecta
ex melle & lacte sub lingua D. JESU: Cant. 4.
quia postquam Sacerdos suā linguā super Ho-
stiam verba consecrationis finivit, ibi est mel
divinitatis, & lac humanitatis, inquit S. An-
toninus Tom. 6. cap. 2. num. 20. Opusc. 58.
cap. 11. Et Isaias Regis morbum ficibus
appositis curavit. D. Thomas ait, quod
ficus bis dictæ dulces, Corpus Christi DEI
& hominis significant.

MEDITATIO CCLIII.

Feria 2. Domin. 12. post Pentecost.

*De documentis ad consequendum
dilectionem DEI.*

Videbo, quomodo, ut lux Solis omnes
stellas, oceanus omnia flumina, immen-
sus ignis omnes igniculos absorbet, sic
DEVS, qui charitas est, omnes ad se trahit
amores. Petam similiter attrahi.

Conf. 1. Insipientium opiniones, & te-
pidorum murmurationes esse contemnendas.

Non

Peria 2. Domin. 12. post Pentecost. 453

Non illos, sed illorum dicta, sensus, definitiones, pro nihilo reputanda. 2. Fugienda non magna tantum, sed etiam peccata levia, nec unquam scienter faciendum, quod imperfectionem agnoscam. 3. Quotidie bis se ipsum excutere, & mala cogitationis, verbi, operis, & bona: Quod ineptum, quod non fervidum in eis cognoscere, & emendare. 4. Mortificationem sensuum, tam exteriorum, quam interiorum, & corporis discretam afflictionem assumere, & passionum moderationem procurare.

Conf. 2. Nimum amorem erga rem creatam quamcunque devitandum, & cor purum à rebus visibilibus custodiendum. 6. De humilitate, & subjectione sic existimandum, ut nullum opus magnum mihi fore proficuum sperem, quod non humilitas condiderit, obedientia dictaverit. 7. Ne sim in operibus meis, aut exercitijs singularis, sed ea efficaciora mihi ad capeffendam perfectionem judicanda, quæ communis usus congregationis approbat, & majorum instituta præscribunt. 8. Conversatio cum hominibus admodum moderata sit: Angelorum, & Sanctorum colloquio ad perfectionem juvabor.

Conf. 3. Externas occupationes à charitate demandatas magnâ libertate spiritus incipien-

454 *Feria 2. Domin. 12 post Pentecost.*

incipiendas, sine ulla spiritus anxietate paragendas, magnâ spiritus tranquillitate perficiendas esse. 10. Negotiorum multitudinem, quæ vires corporales, aut spirituales excedant, nequaquam admittendas; non plus filiorum, quam lactis, non plus negotiorum, quam virium. 11. Orationi, & contemplationi semper insistendum, ne orationis tempora ulla mihi negotia surripiant. 2. Hæc demum sit iugis occupatio, Deum aut extra me, aut intra me præsentem intueri, & puris desiderijs, ardentibus alloquijs, & ignitis amoris affectibus ad eum aspirare.

MEDITATIO CCLIV.

Feria 3. Domin. 12 post Pentecost.

*Quomodo Christus D. excelluerit
in usu charitatu.*

Videbo Angelos ad pedes Domini **JESU** procidentem, præ admiratione dilectionis eius, erga Deum Patrem, & nos. Petam infinitam Christi in Deum, & nos charitatem assequi.

Conf 1. Charitatem Christi in **DEUM**, quando se obtulit à quadraginta diebus **DEO** Patri in templo. Quando dixit se in ijs esse debere, quæ sunt Patris. Quando zelabat pro domo Patris. Quando speciale
aliquid